

Item am anfang düt not so mon die Jungenn will lernenn das  
 sihe wieffen den Rechten grundt so nim ich mir den kopff fur zum  
 erstenn wie man die vierung machen soll so mach ein auffgereehte linj  
 . a . vnd . b . vnd die theyl mittenn von einander da setz ein . c . nimm  
 ein zirkel vnd setz den einfus in den punct . c . vnd tuhe den zirkel  
 auff vnngeser da setz ein . d . vnd laß dem zirkel vmbher gehen bis  
 auff die linj da setz ein . e . vnd laß den zirkel auff peden ortten vmb  
 her gehen vnd da es sich auff der seytenn kreutz weis zu sammenn  
 schlegt da setz ein . f . vnd auff die annderenseyten ein . g . so hastu ein  
 gerechtem Winkel hochenn das du alle vierung daraus kannst ma  
 henn groß vnd kleyne Nun so mach ein vierung wie du itz gehört hast  
 vnd verzeychen die vier eck . a . b . c . d . die selbig vierung teyl in trey teyl  
 vber leng vnd in trey teyl vber Zwerg vnd gib der vierung trey teyl zu  
 vnd die schayttel oben vnd Zerw die vom . a . herumb zum . b . vnd zu  
 vom . a . In das erst teyl das ist die styern vnd Feu in das ander felt  
 die Nasenn das sihe mit der spitzen auß der vierung sich Nun teyll das  
 vntter teyll Mittenn vom ein nander vnd setz in das ober teyl denn  
 Munn vnd in das vntter teyl das Kinn nun Nun das mittler felt  
 teyls mittenn von ein nander nach der leng so nim das hinterteyl vnd  
 setz das ober darein wie du es vor dir sichts .

